

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



**Grad Sarajevo
City of Sarajevo**

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

ODLUKA

O DAVANJU PODRŠKE GRADA SARAJEVA PROJEKTU OČUVANJA ARHIVSKE GRAĐE RADIOTELEVIZIJE BOSNE I HERCEGOVINE (BHRT) PUTEM DIGITALIZACIJE

(prijedlog)

Predlagač: Gradonačelnik
Obrađivač: Gradska uprava

Sarajevo, septembar 2019. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; Fax: +387 33 208 341
e-mail: grad@sarajevo.ba; web: www.sarajevo.ba



EYOF 2019
Sarajevo & East Sarajevo

Na osnovu člana 26. stav 1. tačka 2. i člana 74. Statuta Grada Sarajeva („Službene novine Kantona Sarajevo“, broj 34/08- prečišćeni tekst), Gradsko vijeće Grada Sarajeva na ____ sjednici održanoj _____. 2019. godine, donosi

(prijedlog)

**ODLUKA
o davanju podrške Grada Sarajeva
Projektu očuvanja arhivske građe Radiotelevizije Bosne i Hercegovine (BHRT) putem
digitalizacije**

Član 1.

Ovom odlukom Grad Sarajevo daje podršku Projektu očuvanja cijelokupne arhivske građe Radiotelevizije Bosne i Hercegovine (BHRT) putem procesa njene savremene digitalizacije.

Član 2.

Cilj donošenja ove odluke je da Grad Sarajevo, kao glavni grad Bosne i Hercegovine pruži podršku Radioteleviziji Bosne i Hercegovine (BHRT), koja je ujedno i pravni sljednik Radiotelevizije Sarajevo (RTVSA), u Projektu očuvanja njene cijelokupne arhivske građe kroz proces savremene digitalizacije, a radi državotvornog, historijskog i kulturnog značaja ove građe za Bosnu i Hercegovinu i grad Sarajevo.

Član 3.

Ovlašćuje se Gradonačelnik Grada Sarajeva da u saradnji sa upravom Radiotelevizije Bosne i Hercegovine (BHRT) utvrdi modalitete podrške Grada Sarajeva ovom projektu, te da finansijska sredstva za realizaciju ove odluke blagovremeno planira u Budžetu Grada Sarajeva.

Član 4.

Sredstva za realizaciju ove Odluke osigurat će se u Budžetu Grada Sarajeva.

Član 5.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Igor dr. Gavrić

Broj:

Sarajevo,

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 2. Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 74. Statuta Grada Sarajeva koji, između ostalog, propisuje da Gradsko vijeće donosi odluke i iste objavljuje u "Službenim novinama Kantona Sarajevo".

RAZLOZI ZA DONOŠENJE

Radiotelevizija Bosne i Hercegovine (BHRT) obratila se dana 20.08.2019. godine Gradu Sarajevo sa molbom da Grad, kao glavni grad Bosne i Hercegovine, u skladu sa svojim finansijskim mogućnostima pruži podršku Projektu ove medijske kuće, a koji je usmjeren na očuvanje cijelokupne arhivske građe Radiotelevizije Bosne i Hercegovine (BHRT) kroz proces njene savremene digitalizacije. Obzirom da je Radioteleviziji Bosne i Hercegovine (BHRT) pravni sljednik Radiotelevizije Sarajevo (RTVSA), koja bila jedna od ukupno osam radiotelevizijskih kuća tadašnjeg sistema emitiranje Jugoslovenske raditelevizije i koja je počela sa emitiranjem TV programa u junu 1961. godine kao peti TV centar u tadašnjoj Jugoslaviji, arhivska građa BHRT obiluje ogromnim fundusom zvučnog, video i pisanog materijala, 180000 sati matreijala, koji je nastajao u proteklih 58 godina i koji ima nemjerljiv državotvorni, historijski i kulturni značaj za Bosnu i Hercegovinu i grad Sarajevo. Nosači zvučnog i video materijala su stari formati: magnetoskopske trake CRT 1 inch i VRT 2 inch, film, Betacam, Umatic, a koji su uslijed protoka vremena u dotrajalom stanju, te im ozbiljno prijeti gubitak kvalitete, oštećenje ili nestanak. Primjena novih informacijskih tehnologija u smislu pretvaranja ovih sadržaja u digitalni oblik dovela bi do spašavanja i očuvanja ove građe-nosača (u slučaju gubitka ili uništenja orginala elektronička kopija nadoknađuje gubitak), a novim digitalnim okruženjem stvorile bi se i mogućnosti bolje razmjene podataka, pretraživanja, reprodukcije, virtualnog spajanja građe i sl. BHRT se, kako se dalje navodi u dopisu, godinama suočava sa ozbiljnim finansijskim problemima jer se institucionalno ne rješava pitanje naptale RTV takse zbog čega nema mogućnosti da samostalno realizira ovaj kapitalni projekat, te je jedina realna mogućnost obezbjeđivanje finansijske podrške ostalih nivoa vlasti. S tim u vezi, Grad Sarajevo je, razmatrajući ovu molbu i cijeneći značaj ovog Projekta i građe pristupio donošenju ove odluke.

OBRAZLOŽENJE PREDLOŽENIH RJEŠENJA

Članom 1. Odluke definira se predmet Odluke, a kojom se daje podrška Projektu očuvanja cijelokupne arhivske građe Radiotelevizije Bosne i Hercegovine (BHRT) putem procesa njene savremene digitalizacije. Članom 2. Odluke definiran je cilj njenog donošenja, a kojom Grad Sarajevo, kao glavni grad Bosne i Hercegovine pruža podršku Radioteleviziji Bosne i Hercegovine (BHRT), koja je ujedno i pravni sljednik Radiotelevizije Sarajevo (RTVSA), u Projektu očuvanja njene cijelokupne arhivske građe kroz proces savremene digitalizacije, a radi državotvornog, historijskog i kulturnog značaja ove građe za Bosnu i Hercegovinu i grad Sarajevo. Članom 3. Odluke ovlašćuje se Gradonačelnik Grada Sarajeva da u saradnji sa upravom Radiotelevizije Bosne i Hercegovine (BHRT) utvrdi modalitete podrške Grada Sarajeva ovom projektu, te da finansijska sredstva potrebna za realizaciju ove odluke blagovremeno planira u Budžetu Grada Sarajeva. Utvrđivanjem modaliteta podrške utvrditi će se i ujedno i potrebna finansijska sredstva u kojima će se sastojati podrška Grada ovom projektu, a koja će se potom planirati i u Budžetu Grada Sarajeva, kao posebna budžetska stavka. Uvrštavanjem ove budžetske pozicije u Budžet Grada Sarajeva ujedno će biti

poznat i način realizacije/izvršenja planiranih finansijskih sredstava za ovaj projekt (zaključivanjem posebnog ugovora sa BHRT).

FINANSKIJSKA SREDSTVA

Finansijska sredstva za provedbu ove Odluke obezbjedit će se u Budžetu Grada Sarajeva, a u zavisnosti od utvrđenog modaliteta podrške Grada Sarajeva ovom projektu.

Sarajevo, 20.08.2019.g.

www.bhrt.ba

Broj prot.: 101-1097/19

Grad Sarajevo
Hamdije Kreševljakovića br.3
N/R Abdulah Skaka, Gradonačelnik

Bosna i Hercegovina-Federacija Bosne i Hercegovine
Kanton Sarajevo
GRADONAČELNIK

PRIMLJENO: 23-08-2019			
Organizaciona jedinica	Klasifikaciona oznaka	Urad	Broj prilogu
02	58	5588	

Predmet: Molba za Podršku projektu sačuvanja arhivske građe BHRT-a putem digitalizacije

Poštovani,

Obraćam Vam se sa molbom da Grad Sarajevo, kao glavni grad Bosne i Hercegovine, u skladu sa svojim finansijskim mogućnostima pruži podršku Projektu ove medijske kuće, a koji je usmjeren na očuvanje cijelokupne arhivske građe Radiotelevizije Bosne i Hercegovine (BHRT) kroz process njene savremene digitalizacije. Radiotelevizija Bosne i Hercegovine (BHRT) pravni sljednik Radiotelevizije Sarajevo (RTVSA), koja je bila jedna od ukupno osam radiotelevizijskih kuća tadašnjeg sistema emitiranja Jugoslovenske radiotelevizije i koja je počela sa emitiranjem TV programa u junu 1961. godine kao peti TV centar u tadašnjoj Jugoslaviji. Arhivska građa BHRT obiluje velikim fundusom zvučnog, video i pisanih materijala, 180.000 sati materijala, koji je nastajao u proteklih 58 godina i koji ima nemjerljiv državotvorni, historijski i kulturni značaj za Bosnu i Hercegovinu i grad Sarajevo. Nosači zvučnog i video materijala su stari formati: magnetoskopske trake VTR 1" inch i VTR 2" inch, film, Betacam, Umatic koji su uslijed protoka vremena u dotrajalom stanju, te im ozbiljno prijeti gubitak kvalitete, oštećenje ili nestanak. Primjena novih informacijskih tehnologija u smislu pretvaranja ovih sadržaja u digitalni oblik dovela bi do spašavanja i očuvanja ove građe – nosača (u slučaju gubitka ili uništenja originala elektronička kopija nadoknaduje gubitak), a novim digitalnim okruženjem stvorile bi se i mogućnosti bolje razmjene podataka, pretraživanja, reprodukcije, virtualnog spajanja građe i sl. Institucionalno ne rješavanje problema naplate RTV takse je dovelo BHRT do ozbiljnih finansijskih problema, zbog čega nema mogućnosti da samostalno realizira ovaj kapitalni projekat, te je jedina realna mogućnost obezbjeđivanje finansijske podrške ostalih nivoa vlasti.

U nadi da ćete pozitivno odgovoriti na našu molbu, srdačno Vas pozdravljam.

Generalni direktor BHRT

Belmin Karamanović